

知者見者如如來如一如無二無別檀波羅蜜如乃至般若波羅蜜如內空如乃至無法空如四念處如乃至一切種智如如來如一如無二無別須菩提菩薩摩訶薩得是如故名為如來說是如相品時是三千大千

世界大地六種震動東漏西沒西漏東沒南

十三

涌北沒比涌南沒中央涌四邊沒四邊涌中央沒是時諸欲天子諸色天子以天末栴檀

此卷三品善知識品五十二趣一切者
品五十三大如意品五十四
遠塵遠離三界分別遠得初果也 法眼即小乘
泉涌之凡塵起如泉也

從無為中隨佛生亦不從無為如中隨佛生亦不離無為中隨佛生亦不離無為如中隨佛生何以故是一切法皆無所有不可得無隨生者亦無隨生法

鹹三

摩訶般若波羅蜜經卷第二十三

竺清滿書

香散佛上及散湧菩提上白佛言未曾有也世尊須菩提以如來如隨佛生須菩提復為諸天子說言諸天子須菩提不從色中隨佛生亦不從色如中隨佛生不離色隨佛生亦

不離色如隨佛生須菩提不從受想行識中

隨佛生亦不從受想行識如中隨佛生不離受想行識隨佛生亦不離受想行識如隨佛

大如品之餘

鹹四

生乃至不從一切種智中隨佛生亦不從一切種智如中隨佛生不離一切種智中隨佛生亦不離一切種智如中隨佛生須菩提不

後秦鳩摩什譯

余時舍利弗白佛言世尊是如實不虛法相法住法位甚深是中色不可得色如不可得何以故色尚不可得何況色如當可得受想

行識不可得受想行識如不可得何以故受想行識尚不可得何況受想行識如當可得乃至一切種智不可得一切種智如不可得何以故一切種智尚不可得何況一切種智如當可得佛告舍利弗如是如是舍利弗是如實不虛法相法住法位甚深是中色不可得色如不可得何以故色尚不可得何況色如當可得乃至一切種智不可得一切種智如不可得何以故一切種智尚不可得何況一切種智如當可得舍利弗說是如相時二百比丘不受一切法故漏盡得阿羅漢五百比丘尼遠離塵垢諸法中得法眼生天人中五千菩薩摩訶薩得無生法忍六千菩薩諸法不受故漏盡心得解脫成阿羅漢舍利弗是六千菩薩先世值五百佛親近供養於五百佛法中行布施持戒忍辱精進禪定無般若波羅蜜無方便力故行別異相作是念是布施是持戒是忍辱是精進是禪定無般若

波羅蜜無方便力故布施持戒忍辱精進禪定行別異相行別異相故不得無異相不得不無異相故不得入菩薩位不得入菩薩位故得須陀洹果乃至阿羅漢果舍利弗菩薩摩訶薩雖行菩薩道若空若無相若無作法遠離般若波羅蜜無方便力故便於實際作證取聲聞乘舍利弗白佛言世尊何因緣故俱行空無相無作法遠離方便力故於實際作證取聲聞乘菩薩摩訶薩亦修空無相無作法有方便力故得阿鞞多羅三蘋三菩提佛告舍利弗有菩薩遠離薩婆若心修空無相無作法無方便力故取聲聞乘舍利弗復有

菩薩摩訶薩不遠離薩婆若心修空無相無作法有方便力故入菩薩位得阿鞞多羅三蘋三菩提舍利弗辭如有鳥身長百由旬若二百三百由旬而無有翅從三十三天自投闇浮提舍利弗於汝意云何是鳥中道作是念欲還上三十三天能得還不不得也世尊

舍利弗是鳥復作是願到闍浮提欲使身不
痛不惱舍利弗於汝意云何是鳥得不痛不
惱不舍利弗言不得也世尊是鳥到地若痛
若惱若死若死等苦何以故世尊是鳥身大
而無翅故舍利弗菩薩摩訶薩亦如是雖如
恒河沙等劫修布施持戒忍辱精進禪定發

大事生大心爲得阿耨多羅三藐三菩提故
受無量願是菩薩遠離般若波羅蜜方便力
故若隨阿羅漢若隨辟支佛道何以故是菩
薩遠離菩薩若心布施持戒忍辱精進禪定
無般若波羅蜜無方便力故隨聲聞地若辟
支佛道中舍利弗若菩薩摩訶薩雖念過去
未來現在諸佛持戒禪定智慧解脫解脫知
見取相受持是人不知不解諸佛戒定慧解
脫解脫知見但聞空無相無作名字聲而取
名字聲迴向阿耨多羅三藐三菩提菩薩摩
訶薩若如是迴向住聲聞辟支佛地中不能
得過何以故遠離般若波羅蜜方便力持諸

善根迴向阿耨多羅三藐三菩提故舍利弗
有菩薩摩訶薩從初發意已來不遠離薩婆
若心行布施持戒忍辱精進禪定不遠離般
若波羅蜜方便力故不取相於過去未來現
在諸佛戒定慧解脫解脫知見不取空解脫
門相不取無相無作解脫門相舍利弗當知
成空四共身

三

是菩薩摩訶薩不墮聲聞辟支佛道直至阿
耨多羅三藐三菩提何以故是菩薩摩訶薩
從初發心已來行布施不取相持戒忍辱精
進禪定不取相過去未來現在諸佛戒定慧
解脫解脫知見不取相舍利弗是名菩薩方
便力以離相心行布施持戒忍辱精進禪定
乃至離相心行一切種智舍利弗白佛言世
尊如我解佛所說義若菩薩摩訶薩不遠離
般若波羅蜜方便力當知是菩薩近阿耨多
羅三藐三菩提何以故是菩薩摩訶薩從初
發心已來無法可知若色若受想行識乃至
一切種智世尊有求菩薩道善男子善女人

遠離般若波羅蜜及方便力當知是人於阿
耨多羅三藐三菩提或得或不得何以故世
尊是求菩薩道善男子善女人所有布施皆
取相所有持戒忍辱精進禪定皆取相以是
故是善男子善女人於阿耨多羅三藐三菩
提不定世尊以是因緣故菩薩摩訶薩欲得

阿耨多羅三藐三菩提不應遠離般若波羅
蜜方便力是菩薩摩訶薩住般若波羅蜜方
便力中以無得無相心應布施持戒忍辱精
進禪定乃至以無得無相心應修一切種智
余時欲色界諸天子白佛言世尊阿耨多羅
三藐三菩提難得何以故是菩薩摩訶薩應

知一切諸法已得阿耨多羅三藐三菩提是
法亦不可得佛言如是如是諸天子阿耨多
羅三藐三菩提難得我亦得一切法一切種
智已得阿耨多羅三藐三菩提亦無所得無
能知無所知無知者何以故諸法畢竟淨故
須菩提白佛言世尊如佛所說阿耨多羅三

藐三菩提難得如我解佛所說義我心思惟
是阿耨多羅三藐三菩提易得何以故無有
得阿耨多羅三藐三菩提者亦無可得法一
切法一切法相空無法可得無能得者何以
故一切法空故亦無法可增亦無法可減所
謂布施持戒忍辱精進禪定乃至一切種智
謂布施持戒忍辱精進禪定乃至一切種智
成多四六四

是法皆無可得者無能得者世尊以是因緣
故我意謂阿耨多羅三藐三菩提爲易得何
以故世尊色色相空受想行識識相空乃至
一切種智一切種智相空舍利弗語須菩提
若一切法空如虛空虛空不作是念我當得
阿耨多羅三藐三菩提若菩薩摩訶薩信解
一切法空如虛空是阿耨多羅三藐三菩提
易得者今恒河沙等諸菩薩摩訶薩求阿耨
多羅三藐三菩提何以退還須菩提以是故
知阿耨多羅三藐三菩提不易得須菩提語
舍利弗於意云何色於阿耨多羅三藐三菩
提退還不舍利弗言不受想行識於阿耨多

羅三蘋三菩提退還不舍利弗言乃至一切種智於阿耨多羅三蘋三菩提退還不舍利弗言不離色有法於阿耨多羅三蘋三菩提退還不舍利弗言不離受想行識有法於阿耨多羅三蘋三菩提退還不舍利弗言乃至離一切種智有法於阿耨多羅三蘋三

菩提退還不舍利弗言不離利弗於意云何色如相於阿耨多羅三蘋三菩提退還不舍利弗言不受想行識如相乃至一切種智如相於阿耨多羅三蘋三菩提退還不舍利弗言不離色如相有法於阿耨多羅三蘋三菩提退還不舍利弗言不離受想行識如相乃

成多四九四

五

至離一切種智如相有法於阿耨多羅三蘋三菩提退還不舍利弗言不離利弗於意云何如於阿耨多羅三蘋三菩提退還不舍利弗言不法性法住法位實際不可思議性於阿耨多羅三蘋三菩提退還不舍利弗言不舍利弗於意云何離如有法於阿耨多羅三

蘋三菩提退還不舍利弗言不離法性法住法位實際不可思議性有法於阿耨多羅三蘋三菩提退還不舍利弗言不須菩提語舍利弗諸法畢竟不可得何等法於阿耨多羅三蘋三菩提退還舍利弗語須菩提如須菩提所說是法忍中無有菩薩於阿耨多羅三

蘋三菩提退還者若不退還佛說求道者有三種阿羅漢道辟支佛道佛道是三種爲無分別如須菩提所說獨有一菩薩求佛道是時富樓那彌多羅尼子語舍利弗應當問須菩提爲有一菩薩乘不爾時舍利弗問須菩提須菩提爲欲說有一菩薩乘不須菩提語

舍利弗於諸法如中欲使有三種人聲聞乘辟支佛乘佛乘耶舍利弗言不也舍利弗三乘分別中有如可得不舍利弗言不也舍利弗是如有若一相若二相若三相不舍利弗言不也舍利弗汝欲於如中乃至有一菩薩不捨利弗言不也如是四種中三乘人不可

得舍利弗云何作是念是求聲聞乘人是求辟支佛乘人是求佛乘人舍利弗菩薩摩訶薩聞是諸法如相心不驚不沒不悔不疑是名菩薩摩訶薩能成就阿耨多羅三藐三菩提爾時佛讚須菩提言善哉善哉須菩提汝所說者皆是佛力須菩提若菩薩摩訶薩聞說是如無有諸法別異心不驚不怖不畏不難不沒不悔當知是菩薩能成就阿耨多羅三藐三菩提舍利弗白佛言世尊成就何等菩提佛言成就佛阿耨多羅三藐三菩提須菩提白佛言世尊若菩薩摩訶薩欲成就阿耨多羅三藐三菩提應云何行佛言應起等

第六

心於一切衆生亦等心與語無有偏黨於一切衆生中起大慈心亦以大慈心與語於一切衆生中下意亦以下意與語於一切衆生中應生安隱心亦以安隱心與語於一切衆生中應生無礙心亦以無礙心與語於一切衆生中應生無惱心亦以無惱心與語於一

成空

摩訶薩欲成就阿耨多羅三藐三菩提當如是行復次須菩提菩薩摩訶薩欲成就阿耨多羅三藐三菩提應自行初禪亦教他人行初禪讚歎行初禪法歡喜讚歎行初禪者二禪三禪四禪亦如是復次須菩提菩薩摩訶薩欲成就阿耨多羅三藐三菩提應自行慈心亦教人行慈心讚歎行慈心法歡喜讚歎行慈心者悲喜捨心亦如是自行虛空處亦教人行虛空處讚歎行虛空處法歡喜讚歎行虛空處者識處無所有處非有想非無想處亦如是自具足檀那波羅蜜亦教人具足檀讚歎具足檀法歡喜讚歎具足檀波羅蜜

七

者尸羅畢提毗梨耶禪般若波羅密亦如是
復次菩薩摩訶薩欲成就阿耨多羅三藐三
菩提自行內空亦教人行內空讚歎行內空
法歡喜讚歎行內空者乃至無法有法空亦
如是自行四念處亦教人行四念處讚歎行
四念處法歡喜讚歎行四念處者乃至八聖
道分亦如是自修空三昧無相無作三昧亦
教人修空無相無作三昧讚歎修空無相無
作三昧法歡喜讚歎修空無相無作三昧者
自行八背捨亦教人行八背捨讚歎行八背
捨法歡喜讚歎行八背捨者自行九次第定
亦教人行九次第定讚歎行九次第定法歡
喜讚歎行九次第定者自具足佛十力亦教
人具足佛十力讚歎具足佛十力法歡喜讚
歎具足佛十力者自行四無所畏四無礙智
十八不共法大慈大悲亦教人行四無所畏
乃至大慈大悲讚歎行四無所畏乃至大慈
大悲法歡喜讚歎行四無所畏乃至大慈大

悲者自逆順觀十二因緣亦教他人逆順觀
十二因緣讚歎逆順觀十二因緣法歡喜讚
歎逆順觀十二因緣者須菩提菩薩摩訶薩
欲成就阿耨多羅三藐三菩提應如是行復
次須菩提菩薩摩訶薩欲成就阿耨多羅三
藐三菩提自應知苦斷集證滅修道亦教人

知苦斷集證滅修道讚歎知苦斷集證滅修
道法歡喜讚歎知苦斷集證滅修道者自生
須陀洹果證智而不證實際亦教人著須陀
洹果中讚歎須陀洹果法歡喜讚歎得須陀
洹果者斯陀含果阿那含果阿羅漢果亦如
是自生辟支佛道證智而不證辟支佛道亦
教人著辟支佛道中讚歎辟支佛道法歡喜
讚歎得辟支佛道者自入菩薩位亦教人入
菩薩位讚歎入菩薩位法教喜讚歎入菩薩
位者自淨佛國土成就衆生亦教人淨佛國
土成就衆生讚歎淨佛國土成就衆生法教
喜讚歎淨佛國土成就衆生者自起菩薩神

通亦教人起菩薩神通讚歎菩薩神通法歡喜讚歎起菩薩神通者自生一切種智亦教他人生一切種智讚歎生一切種智法歡喜讚歎生一切種智者自斷一切結使習亦教人斷一切結使習讚歎斷一切結使習法歡喜讚歎斷一切結使習者須菩提菩薩摩訥

薩欲成就阿耨多羅三藐三菩提應如是行復次須菩提菩薩摩訥欲成就阿耨多羅三藐三菩提自取壽命成就法歡喜讚歎取壽命成就者自成就法住亦教人成就法住讚歎成就法住法歡喜讚歎成就法住者須菩提菩薩摩訥欲成就阿耨多羅三藐三菩提應如是行如是行亦應如是學般若波羅密方便力是菩薩如是學如是行時當得無礙色得無礙受想行識乃至得無礙法住何以故是菩薩摩訥從本以來不受色不受受想行識乃至不受一切種智何以故色不受者為非色

乃至一切種智不受者為非一切種智說是菩薩行品時二千菩薩得無生法忍

摩訥般若波羅密經阿鞞跋致品第五十五

須菩提白佛言世尊以何等行何等類何等相貌知是阿鞞跋致菩薩摩訥薩佛告須菩提若菩薩摩訥能知凡夫地聲聞地辟支

威德光明

九

佛地佛地是諸地如相中無二無別亦不念亦不分別入是如中聞是事直過無疑何以故是如中無一無二相故是菩薩摩訥薩亦不作無益語但說利益相應語不觀他人長短須菩提以是行類相貌知是阿鞞跋致菩薩摩訥須菩提言世尊復以何行類相貌知是阿鞞跋致菩薩摩訥佛告須菩提若菩薩摩訥能觀一切法無行無類無相貌當知是名阿鞞跋致菩薩摩訥須菩提白佛言世尊若一切法無行無類無相貌菩薩於何等法轉名不轉佛言若菩薩摩訥薩色中轉受想行識中轉是名菩薩不轉復次須

菩提菩薩摩訶薩檀那波羅蜜中轉乃至般若波羅蜜中轉內空中乃至無法有法空中轉四念處中乃至十八不共法中轉聲聞辟支佛地中轉乃至阿耨多羅三藐三菩提中轉當知是名菩薩摩訶薩不轉何以故須菩提色性無是菩薩何所住乃至阿耨多羅三

藐三菩提性無是菩薩何所住復次須菩提菩薩摩訶薩不觀外道沙門婆羅門而貌言語不作是念是諸外道若沙門若婆羅門實知實見若說正見無有是事復次菩薩不生疑不著戒取不隨邪見亦不求世俗吉事以爲清淨不以華香瓔珞幡蓋伎樂礼拜供養餘天須菩提以是行類相貌當知是名阿鞞跋致菩薩摩訶薩復次須菩提阿鞞跋致菩薩摩訶薩常不生下賤家乃至不生八難之處常不受女人身須菩提以是行類相貌當知是名阿鞞跋致菩薩摩訶薩復次須菩提言菩薩摩訶薩常行十善道自不殺生不教人

殺生讚歎不殺生法歡喜讚歎不殺生者乃至自不邪見不教人邪見不讚歎邪見法不歡喜讚歎行邪見者須菩提以是行類相貌當知是名阿鞞跋致菩薩摩訶薩復次須菩提菩薩摩訶薩乃至夢中亦不行十不善道以是行類相貌當知是名阿鞞跋致菩薩摩訶薩復次須菩提若菩薩摩訶薩爲益一切衆生故行檀波羅蜜乃至爲益一切衆生故行般若波羅蜜須菩提以是行類相貌當知是名阿鞞跋致菩薩摩訶薩復次須菩提菩薩摩訶薩所有諸法受誦讀說正憶念所謂修茹路乃至優波提舍是菩薩法施時作是念是法施因緣故滿一切衆生願以是法施功德與一切衆生共之迴向阿耨多羅三藐三菩提須菩提以是行類相貌當知是名阿鞞跋致菩薩摩訶薩復次須菩提言菩薩摩訶薩於甚深法中不疑不悔須菩提言世尊菩薩於甚深法中何因緣故不疑不悔佛言是

阿鞞跋致菩薩都不見有法可生疑悔處若色受想行識乃至阿鞞多羅三藐三菩提不見是法可生疑處悔處須菩提以是行類相貌當知是名阿鞞跋致菩薩摩訶薩復次須菩提菩薩摩訶薩身口意業柔軟須菩提以是行類相貌當知是名阿鞞跋致菩薩摩訶薩復次須菩提菩薩摩訶薩以慈身口意業成就須菩提以是行類相貌當知是名阿鞞跋致菩薩摩訶薩復次須菩提菩薩摩訶薩不與五蓋俱離欲瞋恚睡眠掉悔疑須菩提以是行類相貌當知是名阿鞞跋致菩薩摩訶薩復次須菩提菩薩摩訶薩一切處無所愛著須菩提以是行類相貌當知是名阿鞞跋致菩薩摩訶薩復次須菩提菩薩摩訶薩不亂心出入去來坐卧行住常念一心出入去來坐卧行住舉足下足安隱庠序常念一心視地而行須菩提以是行類相貌當知是名阿鞞跋致菩薩摩訶薩復次須菩提菩薩

咸寧記廿

士

摩訶薩所著衣服及諸卧具人不惡穢好樂淨潔少於疾病須菩提以是行類相貌當知是名阿鞞跋致菩薩摩訶薩復次須菩提常人身中有八萬戶虫侵食其身是阿鞞跋致菩薩摩訶薩身無是蟲何以故是菩薩功德過出世間以是故是菩薩無是蟲戶是菩薩功德增益隨其功德得身清淨得心清淨須菩提以是行類相貌當知是名阿鞞跋致菩薩摩訶薩須菩提白佛言世尊云何菩薩摩訶薩得身清淨得心清淨佛言菩薩摩訶薩隨其所得增益善根滅除心曲心邪須菩提是名菩薩摩訶薩身清淨心清淨以是身心清淨故能過聲聞辟支佛地入菩薩位中須菩提以是行類相貌當知是名阿鞞跋致菩薩摩訶薩復次須菩提菩薩摩訶薩不貴利養雖行十二頭陀不貴阿蘭若法乃至不貴但受三衣法須菩提以是行類相貌當知是名阿鞞跋致菩薩摩訶薩復次須菩提菩薩

摩訶薩常不生慳貪心不生破戒心瞋動心
懈怠心散亂心不生愚癡心不生嫉妒心須
菩提以是行類相貌當知是名阿鞞跋致菩
薩復次須菩提菩薩摩訶薩心住不動智慧
深入一心聽受所從聞法及世間事皆與般
若波羅蜜合是菩薩摩訶薩不見產業之事

不入法性者是事一切法皆見與般若波羅
蜜合以是因緣故須菩提是名阿鞞跋致菩
薩摩訶薩阿鞞跋致相復次須菩提若惡魔
於阿鞞跋致菩薩前化作八大地獄一一地
獄中有千億万菩薩皆被燒煮受諸辛酸苦
毒語菩薩言是諸菩薩皆是阿鞞跋致佛所
成庫訶北○

十三

授記墮大地獄中汝若爲佛授阿鞞跋致記
者當入是大地獄中佛爲授汝地獄記汝不
如還捨菩薩心可得不墮地獄得生天上湏
菩提若是菩薩見是事聞是事心不動不疑
不驚作是念阿鞞跋致菩薩若墮地獄畜生
餓鬼中終無是處須菩提以是行類相貌當

知是名阿鞞跋致菩薩摩訶薩復次須菩提
汝先聞應如是淨修六波羅蜜乃至應如是
淨修得阿耨多羅三藐三菩提是事汝疾悔
捨汝先於過去未來現在諸佛所從初發心
乃至法住於其中間所作善根隨喜迴向阿
耨多羅三藐三菩提是一切事汝亦疾放捨
若汝疾捨我當語汝真佛法汝先所聞皆非
佛法非佛教皆是文飾合集作耳我所說是
真佛法若是菩薩聞作是說心驚疑悔當知
是菩薩未得諸佛授記未定住阿鞞跋致性
中若是菩薩心不動不驚不疑不悔隨順依
止無作無生法不信他語不隨他行行六波
羅蜜時不隨他語乃至行阿耨多羅三藐三
菩提時亦不隨他語須菩提辭如漏盡阿羅
漢不信他語不隨他行現見諸法實相惡魔
不能轉如是須菩提阿鞞跋致菩薩摩訶薩
亦如是求聲聞道辟支佛道人不能破壞不

成庫訶北○

能折伏其心須菩提是菩薩摩訶薩必定住阿鞞跋致地中不隨他語乃至佛語不宜信取何況求聲聞辟支佛人及惡魔外道梵志語終無是處何以故是菩薩不見有法可隨信者所謂若色若受想行識若色如乃至識如乃至不見阿耨多羅三藐三菩提阿耨多羅三藐三菩提如須菩提以是行類相貌當知是名阿鞞跋致菩薩摩訶薩復次須菩提作比丘身來到菩薩所語菩薩言汝所行是生死法非菩薩婆若道汝令身取苦盡證是時惡魔爲菩薩用世間行說似道法此似道法是三界繫所謂骨相若初禪乃至非有想非無想語善男子用是道用是行當得須陀洹果乃至當得阿羅漢果汝行是道今世苦盡汝用受生死中種種苦惱爲今是四大身尚不用受何況當更受來身須菩提若是菩薩摩訶薩心不驚不疑不悔作是念是比丘蓋我不少爲我說似道法行是似道法不

得至須陀洹果證不得至阿羅漢辟支佛道證何況得至阿耨多羅三藐三菩提是菩薩摩訶薩益復歡喜作是念是比丘益我不少爲我說障道法我知是障道法是障學三乘道是時惡魔知菩薩歡喜作是言善男子汝欲見是菩薩摩訶薩供養如恒河沙等諸佛衣被飲食卧具醫藥資生所須亦於如恒河沙等諸佛所行檀波羅密尸羅波羅密羼提波羅密毘梨耶波羅密禪波羅密般若波羅密亦親近如恒河沙等諸佛詣問菩薩摩訶薩道世尊菩薩摩訶薩云何住菩薩摩訶薩乘云何行檀波羅密尸羅波羅密羼提波羅密毘梨耶波羅密禪波羅密般若波羅密四念處乃至大慈大悲是菩薩摩訶薩如佛所教如是住如是行如是修是菩薩摩訶薩如是教如是學尚不得阿耨多羅三藐三菩提若菩薩摩訶薩聞是事心不異不驚益

復歡喜作是念是比丘益我不少爲我說障
道法是障道法不得須施洹道乃至不得阿
羅漢辟支佛道何況得阿耨多羅三藐三菩
提是時惡魔知是菩薩心不沒不驚不疑即
於是處化作多比丘語菩薩言此皆是發意
求佛道菩薩今皆住阿羅漢地是輩尚不得

阿耨多羅三藐三菩提汝云何能得若菩薩
摩訶薩即作是念此是惡魔說似道法菩薩
摩訶薩行般若波羅蜜不應轉阿耨多羅三
藐三菩提心亦不應墮聲聞辟支佛道中復
作是念行檀波羅蜜戶羅波羅蜜羼提波羅
蜜毘梨耶波羅蜜禪波羅蜜般若波羅蜜乃
至一切種智不得阿耨多羅三藐三菩提無
有是處須菩提以是行類相貌當知是名阿
耨跋致菩薩摩訶薩復次須菩提菩薩摩訶
薩作是念若菩薩能如佛所說不遠離般若
波羅蜜心乃至一切種智是菩薩終不退阿
耨多羅三藐三菩提若菩薩覺知魔事亦不

失阿耨多羅三藐三菩提以是行類相貌當
知是阿耨跋致菩薩摩訶薩相須菩提白佛
言世尊於何法轉名爲不轉佛言於色相轉
於受想行識相轉於十二入相十八界相姪
欲瞋恚愚癡相邪見相四念處相乃至聲聞
辟支佛相乃至佛相轉以是故名爲不退轉

成

十五

菩薩摩訶薩相何以故是阿耨跋致菩薩摩
訶薩以是自相空法入菩薩位得無生忍何
以故名無生忍是中乃至少許法不可得不
可得故不作不作故不生是名無生法忍菩
薩摩訶薩以是行類相貌當知是阿耨跋致

菩薩摩訶薩

摩訶般若波羅蜜經卷第二十四 空清滿書

此卷二品缺五下阿輯

無翅施
施也亦說被服皮義切謂被帶也

軟輶翼也亦說被服皮義切謂施用之也

辛酸
之物辛酸也亦說被服皮義切謂施用之也

其輩輩姪妹穢